

السيد الخضرى

علامة استفهام

أشعار

الطبعة الأولى 2017

بطاقة الكتاب

المؤلف : علامة استفهام
المؤلف : السيد الخضرى
التصنيف : اشعار
رقم الإيداع : 2018-4321
عدد الصفحات : 100 صفحة
رقم الإصدار الداخلي : 129

تاريخ الإصدار الداخلي : فبراير 2018 طبعة أولى
الإشراف الفنى لجمعية تسهيل الطباعة الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 13242
بطاقة ضريبية : 165-5-00031-572-01-35
رقم التسجيل : 2017-7 544-662-202
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat



هاتف : 01011256943 - 01116202218 - 01202541192

الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣

الإهداء

الي عزيزتين علي قلبي
وفاء - رسمية
تمنياتي لكما بالخير والسعادة
ودوام الصحة والعافية
ولكل من يقرأ حرفي
أتمني أن اكون علي مستوي قراءتك
الي كل شهداء مصر والوطن العربي. تغمدكم الله برحمته
واسكنكم فسيح جناته
الي مصرنا الحبيبة دمتي بكل الأمان والسلام والتقدم
السيد الخضري

رساله إلى قلبي

بعد التحية وبعد السلام
ببعت رساله بكل احترام

أزيك ياقلبي طمنى عليك
يارب تكون بخير وتمام

اسف ياقلبي ف القسوه عليك
ولما حرمت من كل الغرام

اصلك عارفنى مش وش نعمه
وشغل المحبه ودور الهيام

لا كنت كارهك ف يوم او ناسيك

ولا يوم فكرت بشئ م الحرام

بس الظروف بتحکم علينا
تخلی نهارنا كأنه ظلام

ما فیش داعی تسأل حبیت ولا لأ
لأن الحب مش بس كلام

فاکر یاقلبی وانت معایا
والحب متعلق ف صدورنا وسام

فاکر حكاوی ایامنا الجمیله
والضحكه شمش بتنور غیام

سبتك بعقلی قبل الضیاع

ويارتنى ف بعدك عيني انام

والفكر شارد فى كل الساعات
ومشاعرى الفياضه قمة زحام

حبك كان بعد فوات الاوان
عشان كدا هبعد بسرعه أوام

سامحنى ياقلبى لأنى مسامحك
مافيش حب صادق بدون التزام

صوره ف خیالی

زمان وانا كنت وحدانی
رسمت صورتها ف خیالی.
وفضلت هی ملازمانی
تحکیلی واحکیلها باحوالی.
بصراحه الصوره عجبانی.
ومعایا فی کل ترحالی.
اغنیلها وتسمعی تقول تانی.
نسیت حزنی نسیت حالی.
ونسیت انه اصلا حلم ف منامی.
لا انا رسام ولا مطرب بموالی.
وصحیت عل صوتها ینادینی.
معقول الفرح یكون جالی.
دی حقیقه صورتها ببتحرك وقدامی.

وسنين منتظره لسوالى.
روحت عليها اجرى أوام.
لاقيت حاجه توقفنى ف اوصالى.
كرهت الحلم اللى انا حلمته
من صوره كانت بتحلالى.
ورجعت اعيش وحدانى
من غير الرسم فى خيالى.

ألم

وجع القلوب نبضات

نبضه بتحيينا.

ونبضه تذكرا.

بماضى عدى وفات

احساس يموتنا

فى وقت خلوتنا

وتنهيدة فيها أهات

ومين هيسمعنا

ويداوى أجاونا

غير نظره للسموات

ونقول ياربنا

يا عالم بهمنا

أوجاعنا داويها

وبدلها بالبسمات.
ليالينا بنسهرها
وأفكارنا ندورها
تتلخبط الحسابات.
وادی دنیتنا
متعبه فی صحبتنا
فرحتها يدوب لحظات.
ياما عيناها
وكتير عاتبناها
وياريتها تقول سلامات.
تعبنا ف قاموسها
ودورنا ف كراسها
جرحنا فيه كتابات.
اشعارنا كتبناها
وهمومنا حكيناها.

ودققنا فى القافيات.
وكل قافيه بألم
ودمعه ف جرة قلم
والقلب فيه متاهات.
الهم مصاحبنا
حالف ليغلبنا
وعمرى أملى ما مات
يارب قويننا
بعزيمتنا خليننا
أسعد المخلوقات.

آسف يادنيا

اسف يادنيا وحقك عليا
ديماً بهينك وانتي الضحية

بس وعد مني هبطل أذيه
ودوري زى الطاحونه واعجني فيا

واستقوي براحتك وكوني عفيه
حوشت هموم كثير وبقيت من الأثر يا

وعازمك عل حفله ملوكي تسمحي لي بالرقصه ديا
حالف ليكونلك نصيب وده م الوفاء

ولو شايفه ذرة فرحه اخطفها من عنيا
الحنن ملك الحفله من أوفى الأصدقاء

فتش عل سر بينكم باع ضميره بقرش ليا
والغش والخداع شايفهم سكرانين فى صالون الأغنيا

الغش يقول ياظالمه وخداع لأ دي مفتريا
قولت حرام عليكو ظالمين الأبريا

قالوا حرام عليك دي احكامها كتير قويه

وشايفه مين وراكي الكذب ابو الدهاء
سألته فين رجلك قال حالتى مستعصيه

وانتيمتك النداله فاكراه اطباعها ذكاء
واجهتها بالحقيقه قالت دنيا خاينه وليها الأولويه

أدي اصحابك يادنيا أحسنهم ينفع وباء
مصدومه ليه ياحلوه وماشيه مداريه

الحفله مانتهتش والرقص والغناء
أمسكي نفسك ياجامده دانتي ياما هدمتي فيا

تعجبني دى

تعجبني البنت من توبها
ودليل أخلاقها في أسلوبها

ولو عايز اتجوز أنا أدور
علي أبوها ومنه أطلبها

تعجبني البنت في مشيتها
دا دليل هدونها ورزانتها

دا أمان المركب في مرساتها
ولو عايزه تطلب وتتكلم

ميت مره تفكر في كلمتها
تعجبني البنت في اسدالها

وسجاده مفروشه قدامها
ناسيه ميكابها وجمالها

شاكيه لربها حالها
وأما راضيه بتدعيها

تعجبني البنت في بيتها
ظاھرہ انوثتها في طيبتها

محترمه لرب أسرتها
مطيعه مساعده لمامتها

شاب النهارده مش لونه
ومحترم يجي لخطبتها

تعجبنى البنت في تقديرها
بحلالها يكون مالي عينها

ولا نظرة عين تشوف غيره
ولا كلمة حب غيره ينولها

وبكده تكون على دينها
وربها كمان راضي عنها

اتمني ف زمانا انا اشوفها
ويطمئن قلبي ف كسوفها

وماتقولش بيئتها وظروفها
في اعمالها ربنا يشوفها

وتكون أم لأجيال
ويطلع جيل يشرفها

وبعد هالك يابلد

ألوم عليكى
والا على الولد
ان كنتي أمة
ماهو برضو فلذة الكبد
حلمه بسيط
ولو اتكلم
يتقال عبيط
وآخرة مايزهق
يخبط دماغه فى أعلى حيط
انا مواطن بسيط شقيان
بس مش غلبان
فى أكل عيشى
بدوق العذاب ألوان

عايز تحلم؟ أحلم
حتى الحلم مالوش معايير
انا احيانا بحلم
طير فى السما زى العصافير
وفى أوقات حلمى بيكون
أعمق شئ تحت فى بير
ولا عمرى اتحكمت فى حلمى
ولا بدقق فى التفسير
خليها على الله
لان الواقع مسجون واسير

مالك يادنيا

ليه كل حاجه حلوه
عايزينها ليه بتروح
والدنيا واخده في وشها
وريحة غدرها بتفوح
مالك يادنيا ومالنا
ليه نازله فينا جروح
كاسره فينا الأمل
ومموته جوانا طموح
نمشي عدل ونتعدل
بصراحه وبكل وضوح
برضو مش عاجبين
تقول لأ مش مسموح
جوانا ألم وغيظ

بس ازای نقول ونبوح
یارب یاخالق الكون
یاخالق الجسد والروح
فك الكرب
واجعل باب رحمتك لینا مفتوح

ثوار ضد التيار

تعبنا وتعبت افكارنا
ما بين حاكم ومعارض
ما بين هديتنا وضلالنا
وايه أخرة المشوار يا ثوار
ياللي كأن بينكم وبين الوطن تار
مظاهرات وهتافات فيها شعار
بتقولوا حي علي الانتصار

هو ده في نظركم العمار
حد يجاوبني حد يريحني بكلمه
تحلي شوية المرار
انا والله خلاص مليت

وكليت من الحريه والأحرار
لا بقا في ثوار ولا احرار
كله ماشي مع التيار
لوكان ده رأيكم في الحريه
يبقا نادولنا الاستعمار

الحريه رأي نقوله ورأي نسمعه
من غير زعل ولا استنفار
ورأي ناخذ بيه
وسيوكوا بقا من الاستهتار
حيرتونا وتعبتونا
اثبتوا مره علي القرار
خليتوا الحضاره شوية احجار
والثقافه شوية اشعار
والحوار بقا علي نار

واقتصاد وطننا خلاص انهار
ومبقاش في أيدينا
غير الدعا والاستغفار
وأهي مصر واقفه ومدالكم ايديها
والشعب واقف ورافض يسلم عليها
وكأنه معجب بالدمار
اللي كان في الأصل خضار
وكمان عايز يقطع الاشجار

اللي اتغرس وتاسقت
بدم الشهدا الابرار
وانت ياتاير ليه عنيد
ليه مش عايز الاستقرار
عايزها تبقا خضرا

وتحلف بسماها وبترابها
ابداً بنفسك وخوض يلا الاختبار

وان مانجحتش
يبقا ليك مني الاعتذار
وانت شاهد يارب عليهم
بحطموا وطنهم بايدهم
قادر يارب تهديهم
انت الواحد القهار
الثوره كانت بلسم
يطيب الجراح كانت بسمه
ترسم مستقبل الافراح
صبح البلسم مية نار
والبسمه صبحت صرخه لأم
ابنها وسط الزحام راح وانا مختار

اصدق مين واكذب مين
ماهو كله بقا زمار
والصوت خرم الأودون
والحق بقا مدفون
ياوليكم من غضب الاله
واللي كمان هيكون
يمهل ولايمهل ده غضبه شديد جبار

انا كلامي منتهاش
طول ماكلامكم ببلاش
بس لو شوفت فعل
انا من الكلام هنعاش
واسمع كلامكم ذي الشطار
وفي النهايه مش هستهزء بحكومتنا
ولا ههين أمتنا

بس هقول يا اتحادنا بقوتنا
يانعيش عبيد طول دنيتنا
وليكم انتوا الاختيار

وليكم انتوا الاختيار

ناس وناس

كل واحد شایل حمل
يدوب قادر عليه

كل واحد عنده هموم
ربه وحده عالم بيه

ويقول ده كله كتير عليا
ودنيا رافضه المسؤليه

ومين وحده هو الضحيه
وناس مش فاهمه بعضها

وناس بتحب بقلبها
وناس سلبيه في رأيها

وناس عايشها بطولها
وعرضها

كوكتيل هموم من كل نوع
اسمع لناس وانا مش مسموع

افرح لناس وانا الموجوع
مالك يادنيا ايه الموضوع

عيني ماعدش فيها دموع
ماشيه عكس سكتي
وجابراني عل الرجوع

حالف لاکمل کلمتی
ونصیحتی عل قد محبتی

ومهما تكون قسوة حبابی
دول برضو هما فرحتی

إنّتى مين ؟!

ممکن اعرف انتى مين

انا ام الملايين

وذكرنى رب العالمين

وفى كتابه قال عنى

ادخلوها امنين

انا الحضاره والعراقه

اللى من آلاف السنين

وياما ديما اتسرق

وشكلونى النحاتين

بكل لون وكل شكل

عل هوا النصابين

لكن اصالتى بطبعها

ماينفعش تكون اتنين

وكل ماالظلم يزيد
انادى فين صلاح الدين
انا المكسوره بهمها
يصعب عليا فقير حزين
عل لقمة عيشه ودمعته
عل هدمه شايله رق طين
عل ناس ف عطشها بترتوى
بدم ناس عيني مكبوتين
انا بهيه انا صبيه
انا بتعه وأسأل امين
مهما اقول مايكفيش
لو ميت كتاب مكتوبين
لو عايز تعرف انا أبقي مين
اسأل الجوامع والكنائس
والإعلام والمدارس

إم الدنيا دى تبقى مين
هيعرفوك ويفهموك
كانت الخزينه فى ارضنا
وقاهرين أعداء طول عمرنا
ويشهد سلالة المعتدين
وليا جيش في قوته
يحميه ربي من كل عين
وفيا جيل بعد جيل
بحب حب المخلصين
ولو سارقينى يكتفو
تشوف صناعتى فوق الصين
انا طيبه ممزوجه بمحبه
وليا شباب متغربين
نفسى احضنهم نفسى اغمرهم
وفى خيرى يكونو مرتاحين

عرفت يا بنى انا أبقي مين
عرفتك يا اما يا بهيه
عرفت يا مصر يا أبيه
ولازم اقول للموجودين
قولو معايا
تحيا مصر
تحيا مصر
يحميكى يا ما م الحاقدين

مشتتین

غبت کتیر و مش راجع
اقول من تانی دی بلادی
مش کاره نیلها او طینها
انا کاره فیها جلادی
و خلاص مش فارقہ وییا
ولا صحره تشبه الوادی
وسنین غربتنا بتمر
وبالنسبالهم شیء عادی
مواویلنا یاما غنوها
بلاد العرب اوطانی.
یتسرق خیرها ویاکلوها.
و مین فیها کان جانی
بالیدیهم یقتلوا قتیلنا.

واحزانا كأنها تهانى.
ياشمس النخوه لا تغيبى.
قبل ماتنورى اوطانى.
ياعلم الحق ليه تايه.
مابين داعش وايرانى.
وبين اسد يقول حقى.
ومسلم بورما بيعانى.
شعراء الامه بينادو
والناس فاكرينها دى اغانى.
تخطيط الغرب بيعشش.
فى بلادى بينوها مبانى.
ولسه الجهل مشتتنا
مابين حوثى واخوانى.
فى عنيكى ياامه تنهيده.
بتحكى كل احزانى.

الفتنه ياناس بتضل.
مش كل سجين كان جاني.
كلماتي انا اللي كاتبها.
ولا خوفت من موت لو جاني.
انا السيد انا المصري.
انا الواثق في ايماني.
انا بقوة اله اكبر.
احارب كل عدواني.

حاسه بيا

حاسه بيا ؟

انا حساس بيكي

ردي عليا الله يخليكي

ليه سيباني اتلطم فيكي

وكل يوم دمعي بيرويكي

ودمي علي حدودك يفديكي

سهران في ليك بحميكي

وروشي ياغاليه بين ايديكي

ياتري ياأمي ده يكفيكي ؟

والله ياولدي انا عذراك

لكن ايديا مكتوفه

ومن اولادي مكسوفه

حتي الاماني محدوفه
لكن انت ولدي وانا حباك .
لو انا ورده انت الربيع بتحيني
ولو انا سما انت النجوم تحليني
وبالمناسبه انت أمني ونور عيني .

إيه ذنبي ياأمي اكون طرف
والنخوه بتتباع بالقرف
وسياسه عديمه الشرف
والراجل فيها ده بنسبالهم منحرف

عارف ياولدي عندك نخوه
وجدع وأصيل
انا عارفه كل واحد
البطل من العميل

اللي ببسرق في خيرى
ومعيش غيره ذليل
وعارفه انك ضحيه
وحملك ياولدي تقيل

فاكره يأمي ثلاثه وسبعين
والشرف والنخوه والمخلصين
وعلمك علي ارضك
بيبعت رساله للأعداء المعتدين
الأسلام دين السلام
ودي عقيدة المسلمين

فاكره كل حاجه
بالتاريخ والمكان
وفاكله كمان اولادي

الشهدا والشجعان
ولسه سينا بتناديك
اديهها ياولدي كمان

ياأمي طبك عليل
ومين يداوينا
ومهندسك الشاطر
بيهدم مبانينا
حتي زرعك
بدل مانجنيه هو بيجنينا

سيبك ياولدي من الكلام والتفاهات
شق طريقك خليك بطل الأنجازات
اصنع ازرع عمر دانت ابن الحضارات

بحبك ياأمي
وعمري مانسيت افضالك عليا
حكيتلك من كتر همي
وجرحي طيبته بايديا
فامتز عlish
وبلاش اشوف في عنكي
دمعه جوه مداريه
دانا لو هموت
تعيشي انتي عزيزه وقويه

تاهت المعالم

وتاهت المعالم والأم تدعي لابنها ربنا يرجعك يا بني لينا سالم
حتي الحرامي بيدعي في سرقة يارب استرها ورجعني من
سرقتي غانم

وانا بدعي لوطني ربنا يحميك يا وطني من كل فاسد ظالم
عملوا محكمه بس مجرد روتين واحنا كلنا عارفين في ناس
من المسؤولين

في حلف اليمين يقول اقسم بالله العظيم اكون علي ارض
الوطن امين

لكن اللي في النيه علمه عند رب العالمين .

النية تقول ؟؟؟؟

لا لا والف لا حلفت اليمين بلا، لا اصون الوطن ولا احمي
المغالاه

ولا اخون العهود واتفاقية الاعداء ولا يهمني صوتكم ولا كثر
الأوفياء

ولا يهمني فقير مات من المعناء ولا يهمني غني فلوسه في
بنك من الغرباء

ولا اسيب منصبي لو فيها بحر دماء كل اللي يهمني اعيش
عيشة العظماء

نداء الي الشهود المكرمين
اخبرونا ماذا رأيتم عن هولاء المجرمين؟
وقف الأول

وادي القاضي بيضه وقاله اكسرها انا عايز أكل الكتكوت
قاله لو كسرتها الكتكوت هيموت

قاله طب قولهم ليه ماستنوش لما الموجه تفوت

دانا بيعدي علي ايام مش لاقى فيها القوت

وبيجي عليا ساعات ونفسي اصرخ باعلي صوت

ياناس حرام سيبوا رزقي علي صاحب الملكوت

التانى!!

جاب للقاضي ققص جواه عصفور مسجون
وقاله افتحه طار العصفور خبط في مسمار مات مطعون
قاله شوفت ياقاضي حرية الجنون
هما دول اللي خلوا الامل مدفون
ودول اللي خلوا اقتصاد الوطن مكنون
احكم ياقاضي بضميرك وانسي صغرة القانون
وقف اللي بعديه في سكات
القاضي/ قاله اتكلم ولا ضاعت الكلمات
قاله ياسيادة القاضي انا شوفت الف واحد مات
وشوفت دم بينداس عليها بالمدسات
وشوفت جنود شهداء وجسمهم فيه رصاصات
وقريت كام جريده فيها منشئات
وسمعت التلفزيون يقول ده كله كان اشاعات
والله انا محتار الدنيا لسه بخير ولا ده عصر المعجزات؟

احكم يا قاضي وبعد حكمك ما فيش كلمات
 حكمة محكمة الخيانة علي الخائنين
 بالعيش الأمن دون تخوين
 وتحديد محل اقامتهم في جنات النعيم
 اصدرت القرارات فابدعت ادهشت الحاضرين
 خرجت بره وكائي كنت انا في غربه
 ليه يابلدي ليه العيشه بقت كربه
 ليه كل وجهة نظر محطوطه في قربه
 ونشوف بحر الدماء وكأنه طبق شربه
 الدم ده دمي غالي قوي بيداس في التربه
 عايز اكتب عن وطني وامدحه
 بس ازاي اقول شعر وامدحه
 والكل معاه سكين وبيدبجه
 لومش عارف تاريخ وطنك امسك كتاب التاريخ وافتحه
 شوف ابن العاص لما دخل بالاسلام يفتحه!

وشوف يوسف لما اتسجن والحكم كان مطرحه!
وكل قائد عظيم الوطن ده كان مسرحه!
وكل عالم دين الوطن ده منبره القرآن يفسره والحديث
يشرحه!

وكان وطني لكل عدو مقبره ومشرحه!!
ليه تيجي انت النهارده بجهلك للتاريخ تمسحه!!!
خلي عينك علي وطنك ذي نسر في السما يشوف غريمه
علي الارض يلمح
لو عايز تخدم وطنك قول لا للدماء لا للتعصب يمكن يمكن
تفرحه

يا بلدي ليكي جمایل علیا بس ازای اوفیکی
یا بلدی شایفک بتتهانی ومش عارف احمیکی
یا بلدی شایلک الخیر واتمنی ان انا اديکی
یا بلدی فی طریقی جبل اسمه سیاسه نفسی اهدمه واجیکی
لوحتی هموت بعدها بس اموت بین ایدیکی!!!!!!

لحظة حب

نفسي اضمك بين رموشي

عشان غيرك عينا

مايشوفوشي

وياريت الناس عليكي

مايسألوشي

لأني هكذب واقول

القمر لأ

ماشوفتوشي

بس ياريت قلبك

عليها يبقا هين

وعلي نن عيني

يبقا لين

حتي لو جرحتي فداكي

بس انا عارف
قلبك حنين
عارفك هتقولي
ده شاعر وحساس
وهتقولي ده بيقول
كلام وخلص
وفيها إيه
انا مش زى
زى كل الناس
لو انتي قلبك دهب
انا قلبي كمان من ماس
قولتيلي مره بحبك
تحت قمر وناس
وفي قدر كان من دهب
فيه الحنان بمقاس

عملت فيها تقيل وقولت
القدر شكله نحاس
ماخدتش غير قسوتك
وبجفا قلبي انداس
ليكي انا بعذر
وكفايه مرار من الكاس
يادمعة عيني قوليلها
خلاص بزياده
ده العمر كله ايام
ولا فيه ولا لحظه أعاده
ولو اخر لحظه في عمري
هدعيلك
ده الدعا برضو عباده

الساقية

بطلتى ياساقية تلقى
ولفت بينا الايام
ايامك ليه ماطالتش
وغيروكى قوام
فى التراب دفنوكى
وفلاحنا روح نام
والخير ف ارضنا قل
حزمه المرض بحزام
والحكم على محاصيلك
كان حكم بالاعدام
حتى باعوكى ياغاليه
ما قالوش باعوكى بكام
ياريتهم سابوكى ف حالك

وحمارك فضل بلجام
لا كان دا حال زرعنا
ولا كان جينيھنا عام
ياريت يكون دا كذب
او حتى يكون احلام

برود وطنی

برود وطنی حل فینا
والحراره صوت وبس
والقلوب جوه سجينه
والاخلاص مالهوش حس
والعيون دی مش فاهمها
ياترى نايمه ولا تبص
والايدين الممدودين
عايزه تساعد ولا تقص
تايه بجد فهمونى
قرآن. دا فعلا ولا رقص
والحق ليه تاهت معالمه
وبقيت بشوفه كله هجص

والاسد ليه اتهدم عرينه
ومبقاش محصل حتى برص
تعالو نفهم واحده واحده
وراعو فكرى البسيط
ولا بحلف ولا اقول اذار
لا انا متخلف ولا عبيط
ولا عمرى بطبل لسياسى
ولا فى وسط الزحمة بظيط
اعتبرونى ابسط فلاح
وكل يوم من بيتى للغيط
ودماغى فيها عقل بفكر
وماتقوليش اخطها ف حيط
ليه اشوف مسؤل بصعوبه
وعاملى فيها ذكى وحويط
وف انتخاباته كان شاغلنا

وكان واعدنا بالتنظييط
طبعا كله كان اونطه
اسف ما قصدش التخبيط
بس باعلى صوتى انادى
من بحر ويابس اومحيط
يا ولاة الامر منا
ياتنسونا ياتلحقونا
قوللنا الحق ورسونا
احنا اولادكم ولا لقيط
زهقنا بجد
زهقنا فعلا من التنطيط
زهقنا فعلا من التنطيط

مسحراتی

مسحراتی دایر لیلاتی
یطبل یقول ف لیل رمضان

یاناس یانیمه سفرتکو دایمه
وسحورکو برکه من الرحمن

اصحی یا شکری وصحی فکری
الطبله تصحی کل نعلان

وعشان مانسعد والشر یبعد
لازم نصلی علی العدنان

بركات ورحمه والخير ف رحمه
ومن الشيطان الناس ف امان

رمضان كريم وخير ونعيم
تنتظره الناس فى كل اوان

لو فينا داء صيامه دواء
والفرحه بيه فى كل مكان

فى حاره وشارع والكل سامع
الطبله قبل كل اذان

من نومنا نصحى وصلاتنا تحلا
بصلاة الفجر تكون كسبان

وكل سنه فى خير وهنا
بلغنا يارب شهر الاحسان

حال الدنيا

شاييف الدنيا شاده حيلها.
والحظ كمان معاند.

وشاييف الناس اتقل خيرها.
والمنافق حيله شادد.

ناس مكبوته ف عز ليلها.
وناس بترقص ف الموالد.

شاييف السما تطرد ف طيرها.
والفقير ناره قادت.

قولولى الورده ايه مصيرها
لو حرقوها وكله وارد.

طبيعى النجوم تظهر ف ليلها.
بس الصيف مايكنش بارد.

كلمة حب سهله جدا
الاخلاص جواها شارد.

خلاق عايشه بدون ضميرها.
وصمت قلوب بجناحه فارد.

حبيب الدنيا يعيش ذليلها.
وانا بكون لربى عابد.

اطلع من حفره الاقى غيرها.
بشكر ربي واكون له حامد.

يا اهل الفلوس حلو حلالها
والقلب ع الفقير مايكنش جامد

الدنيا فانيه ليه ماأمنتش بزوالها
ساعد غيرك وف الشده كن له ساند

ازرع طيبه تنمر خضارها
تشوف الخير تكون له حاصد

قولت الكلام والحروف جمعتها
وبالاحترام وبالسلام ايدى مادد

أُمِّي

فأكر يااما ومانستشي
وبدعيلك وعيني دموع
كنت صغير وماعرفشي
ولا لسه قلبي بقا موجوع
والله فأكر ومانستشي
وكلامك كله كان مسموع
تصحى ف ليالك وقلقانه
تشوفنى يمكن اكون مكشوف
ف الشتا وانتى بردانه
وانا فى كام غطا ملفوف
مين زيك يحبنى يااما
وعليا قلبه يكون ملهوف
انا اللى ملهوف لرؤياكى

ياامى يااجمل تلت حروف
تودعيني وانا مسافر
بعنيكى كنت بشوف الخوف
العطف بعدك مالوش معنى
والحب كأنه مش معروف
العمر لو بيتباع يااما
كنت اشتريتلك منه ألوف
لكن يااما انا مؤمن
وعارف ان الاجل مكتوب
ومهما نعيش ف دنيتنا
لا يمكن من اجلنا هروب
وحشائى ياامه
من زمان ماشوفتكيش
وكل يوم بقول هشوفك
فى المنام مابتجنيش

خلاص يا غاليه
بعدك انتى خلاص ماليش
نفسى اجيلك او تيجينى
بدونك مش قادر اعيش.
انتى الوحيد المخلصالى
والباقى كله مافيش.
يا اول حب فى قلبى انا
واول كلمه ماتتسببش.
كنتى ديمآ تسمعينى
ولا قولتى شئ مايرضينش.
ساعة وفاتك صرخة صرخه
وقولت ماتفرقنيس.
لكن وقتها كان خلاص
انتى يا امه ماسمعتنيس.

رحمة الله عليكى يا اعلى ما رأيت عيني
كلماتى من نبضات قلبى بقلمى

الشيطان رافع قضيه

الشيطان رافع قضيه
قال متهمنى بالاذيه
كان زمان يقولها ليا
عيش بكامل الحريه
امشى بقا عنتر زمانك
ولا تخاف من دوريه
ولو قابلك اى ضابط
هو اللى يدريك تحيه
وانسى زمن الوسايط
هنخليها يابنى اجتهاديه
وكرامتك تبقا فوق دماغنا
دى عندنا ف الاولاوليه
والدنيا يابنى هتبقا حلوه

والعيشه هتبقا ترفيهيه
وحبه حبه بقيت بلاقى
الى يموت مالهوش ديه
كله فشك راح اونطه
والمشكله هي هي
ولما قولت باعلى صوتى
الظلم واضح ميه ميه
قام الشيطان رافع قضيه
قال متهمنى بالاديه
وجاب ابليس يحكم ما بينا
شهد عفاريته المصلحيه
وبالادله طلعت جانى
والشيطان هو الضحيه
بس الناس عارفه حقيقتى
والشيطان ابن الجنيه

ياترى الناس هتقول الحق
ولا يخافو المسؤليه
مش هقول انا المظلوم
روحي فداكى يا وطنيه
الله ربي مالى سواه
شاهد وعالم ايه النيه

حیرنی حبیبی

احترت ویا حبیبی
واحتار کمان قلبی

لا قادره اقول نصیبی
ولا احدد کمان دربی

یاہل تری یاغالی
ایہ آخرۃ الاشواق

سہرت انا لیالی۔
اکتب علی الأوراق

واتلخبطت احوالى
وبقيت من العشاق

وان قولت وانا مالى
ماقدرش انا يافراق

قولولى يا اهل الهوى
لو كان حبيب غايب

بس ف ايده الدوا
والقلب فيه دايب

وكلامه بالملتوى.
وأسلوبه بعجايب.

وان سألته ف يوم
يلاعبنى بالشايب.

تعبنى فى محبته.
عيشنى فى غرايب

اقوله صافى يالبن
يقولى اللبن رايب

هقتله واسلم نفسى
دا الحب مش جايب

واروح للقاضى واقوله
قرارى كان صايب

خلى الحب حبه حبه

خلى عيون الناس بعيد
الفرح جاى مالوش أمان
ولحظه الجرح يكون شديد
خلى الشمعه مداريه
زمن الحب يكون مديد
شوفه حبيبك تسعدك
وكان قلبك يومه عيد
تنسى ذكرى كانت مريره
وكانك فى لحظه ولید
شوفت قلب كان حزين
جاله حب خلاه سعيد

هـى زى ما هـى

هـى زى ما هـى
وقلبها حيران
ياترى بحبنى
ولا سابنى وخان
الليل ف بعده قاتلنى
تعبانه م الحرمان
وحشائى منه كلمه
ولمسه ويا حنان
الناس تشوف القمر
على ضيه الحبيب سهران
لكن ف بعد حبيبى
ليا معدشى ببيان

عارفين غربه يعنى إيه!؟

يعنى سنين تمر بينا

ما تتحسبش

يعنى يوم يكرر نفسه

وكل يوم ما يتغيرش

يعنى الحنين والاشتياق

لو مكالمه بالساعات

بس برضو ما بتفرقش

عارفين غربه يعنى إيه

يعنى السكوت وسط الكلام

والاستماع دون اهتمام

والدموع تترجاها ما تنزلش

تسرح فى الماضى بالساعات

وتشوف شريط الذكريات

وتندم لموقف ليه ماضحكش

عارفين غربه يعنى ايه
يعنى اعدام الحنين
يعنى سرقة السنين
وطبع ناس حواليك مايتفهمش
تنسى العادات والتقاليد
وتعيش اعمال ومواعيد
وعن همومك ماتتكلمش
اغراب يادنيا ومشتاقين
للحبايب نظره عين
دا القرب منهم مايتوصفش
عارفين غربه يعنى ايه
انك تموت بالحياه
وتدور بس عل طوق نجاه
امتى يابلدى تحرمينى ماتغربش
مشكلتى يابلدى انى طموح

وظموحی فیکی زاد جروح
وان قولت بحبك اه مانكرش
الغربه كربه واللى قالها
ايوه فعلا ماكدبش

لبیک یاربى لبیک

نسعد یاربى بین یدیک
لبیک اللهم لبیک
لا ملجأ منک الا الیک
اشتقنا یارب وجایین
نحج بیتک فقبلنا
نطوف ونسعی وندعوک
ماتخبیب یارب اماننا
بدموعنا على عرفه نلبى
ندعوک یارب ارحمنا
شاهد على اللى ف قلوبنا
عالم یارب بالحوالنا

طار الكلام واتتسى

طار الكلام واتتسى
والفكر مالى راسى
وحبيبي لما اشوفه
بحبس انا انفاسى
امتى اضم حبيبي
ويبقا اهلى وناسى
من يوم ماقلبي حبه
ولا دقه كان ناسى
تعالو يا اهل الهوى
واتعلمو احساسى
القرب هو الدوا
والبعد فيه قاسى
مركبى فى بحر الغرام
وقلبي فيه راسى

قلب حبيبي كنوز
فيه دهبى وكمان ماسى

كتبنا أشعار عن الهم

لا خلص الهم ولا اتلم.
بحبر دموعنا كتبنا سطور.
لا نفعا خال ولا عم.
وهى الدنيا ايه غير يوم.
واخرتها فى التراب نتلم.
يوم وفاتى مش معلوم.
ولا اقدر احسب عمرى كم.
ولغز الدنيا مش مفهوم.
والحظ واقف شايفه اصم.
يابخته اللى فيها مظلوم.
دا اجره عند ربه اهم.
ياريت الصحة بس تدوم.
ورحمة ربى بيا تضم

كل سنه وانت بصحه وفل

كل سنه وبخير علينا تطل
وبطية قلبك يا حبيب الكل
كل سنه وانت مننا وفينا
وبالحب نحقق امانينا
وبعوده عليك وعلينا
وفي عيد ميلاد نهديك
يا حبيبنا روحنا واعنينا

مولد نبی الهدی

نفسی اکتب عنک یانبی
واقول کتیر. اشعار

کل. الشعر ما یکفیش
وقلمی وقف واحترار

بصلاتی علیک یامحمد
بلاقی الدموع تنهار

یا احمد. یاطه. یازین
یا رحمه. من القهار

یهودی کان. یأذیک

وانت تروحله. الدار

علمتنا السماحة

وقلوبنا. تبقا عمار

ياشفيغنا يوم العرض

يانعمه. م. الستار

ياابا. فاطمه الزهراء

يانبي الهدى المختار

ياجد الحسن والحسين

ياكامل. الانوار

ربنا يجمعنا. بيك

فى. جنة. الابرار

الحكم بالمظاهر

حكمتنا وخذنا قررتنا

نبعد عنهم وننساهم

يحفظنا ربنا منهم

ممنوع العشره وياهم

واحد شكله متعكر

وشايل الهم ومفكر

لايمكن همه يدبر

وواحد وشها مكشر

عايزاها فزديق مقشر

والتانى سايبها ومسلم
وحالف فيها مايتعلم

والست برضو حشريه
وتملى ديمآ نكديه
معقوله الدنيا واخداهم

هندخل جوا دايرتهم
نتعرف برضو بحالتهم

دى يمكن دنيا ظالمهم
لاقينا جوا فى حكاوى

فيها قلوب طاليتها النار
وبالحب قلب كان ناوى

وادی ورود مالیہ الشوک
وہموم اشکالہا ف اغانی

وبطل القصہ والظالم
طلع من الظلم بیعانی

والوش الی فیہ تکشیر
اصلہ فی الاصل دا انانی

والفکر الی کان مخلوف
طالب عودتہ تانی

وورا کل حدوتہ
حاجہ حلوہ عجبانی

حاله خفيه بافعالها
والخير جواها رباني

عشان تثبت لنا نشوفها
ومايكنش حكمنّا مظاهر

فى ناس الحزن بموتها
وبالفرح ديمآ بيتظاهر

وناس تشوفها الصوره ملاك
بس القلب مش ظاهر

ولسه الدايره مقفوله
ولعب الحظ كان ماهر

یاناس یاغاویہ حکاوی الناس
اختار لنفسك دور قاهر

ودور الضحیه انساه
الکل بینسی ومش فاکر

یاللی سامعنی وشایفنی
هتکلم لسه بمظاهر ؟

إرجع واكتب اشعارك

وسلاحك قلمك خذ تارك
وكل اللي ف نفسك قوله
يمكن ترتاح تبرد نارك
واحساسك خليه فياض
وحبيبك قلبه يكون دارك
ودارى جراحك وداويها
ماتذلس نفسك باعذارك
وحبيبتك خليها فراشه
طايره ف بستان افكارك
هتس ساعتها بفرحتها
وادعولكم ف الفرحة وبارك

حوشى بناتك ياجاره

حوشى بناتك ياجاره
ساميه وسميره وساره
ناقصى شويه واتجنن
واتحدف. بالحجاره

وانا خارج من. الكليه
والناس ف الشارع بالميه
وبناتك ثلاثه واقفين
عايزينى اركب سياره

حوشى بناتك ياجاره
ساميه وسميره وساره .

يجى عريس لاختى ياسمين
وبناتك تلاته واقفين
يشوفهم يوقف يتجنن
وينزل يجرى فى الحاره

حوشى بناتك ياجاره
ساميه وسميره وساره

كلام تليفون بالساعات
واقول بقا عيب انتو بنات
ابويا زهق من الفاتوره
قام قاطع عنى الحراره

حوشى بناتك ياجاره
ساميه وسميره وساره

دا كله عشان مره عاكستهم
امال لو كنت بحبهم
كانو خلوني مجنون صح
واقف متسول فى اشاره

حوشى بناتك ياجاره
ساميه وسميره وساره

ساميه معاها اعداديه
وسميره واخده الثانويه
وساره بقالها خمس سنين
فى دبلوم التجاره

حوشى بناتك ياجاره

ساميه وسميره وساره

قولت هعزل م الشرقية
عشان تبقى ياچاره مرضيه
قولت ههاجر بره مصر
لاقيتهم معايا ف الطياره

حوووووووووووشى
بناتك. يا جaaaaaaaaااره
ساميه وسميره. وساره

الطبيعى إنى أحبك

نرسم كل ضحكك حلوه
السما تصفى لاجلك
بحر هوايا موجه على
حالى انى غريق ف قلبك
بس قلبك ليا مرسا
كنتى هاديه جوا نفسك
مفكرتش مره اسيبك
ولا تبقا طريقى عكسك
تيجى اجرب يلا اعاكسك
يللى تملى قلبى حاسك
اقوله ايه لو غيبتى عنه
صافى قلبى وحبه لامسك
فكرى ديمى فى ملامحك
اشوف نفسى جوا همسك

بینی و بینہا

بینی و بینہا حب مدفون
حب تايہ حب ضایع
حب ف قلوبنا مسجون
محکوم علیہ مایشوفش نور
وقلوبنا نار بس ف سکون
ونقول لبعض ایه مصیرنا
اللہ اعلم ایه هیكون
بس العذاب مابقفش لحظه
والانین لیلہ جنون
وازاى هنحلم ف اللیالی
والنوم مفارق الجفون
وعصفور هوانا یستریح

ومتقطعه كل الغصون
وازاى نحس كلمه حلوه
والدمع مليان ف العيون
كان زمان القلب جافى
جاله حب خلاه حنون

محتوى الكتاب

م	المحتوى	الصفحة
#	بطاقة الكتاب	2
#	إهداء	3
1	رسالة إلى قلبي	4
2	صورة فى خيالى	7
3	ألم	9
4	أسف يادنيا	12
5	تعجبني دى	15
6	وبعد هالك يابلد	19
7	مالك يادنيا	21
8	ثوار ضد التيار	23
9	ناس وناس	29
10	إنتى مين	32
11	مشتتين	36
12	حاسة بيا	39
13	تاھت المعالم	42
14	التانى	46
15	لحظة حب	49

52	الساقية	16
54	برود وطنى	17
57	مسحراتى	18
60	حال الدنيا	19
63	أمى	20
67	الشیطان رافع قضية	21
70	حیرنى حبیبى	22
73	خلی الحب حبه حبه	23
74	هى زى ما هى	24
78	لبيك ياربى لبيك	25
79	طار الكلام وانتسى	26
81	كتبنا أشعار عن الهم	27
82	كل سنه وانتى بصحة وفل	28
83	مولد نبى الهدى	29
85	الحكم بالمظاهر	30
90	أرجع واكتب أشعارك	31
91	حوشى بناتك ياجاره	32
95	الطبيعى إنى أحبك	33
96	بينى وبينها	34
98	محتوى الكتاب	#

